

per partirse vene uno accidente et non potè andar zurando andaria volentiera si non fusse queste cause di vita.

190. *Scrutinio di orator a la Cesarea Maestà in luogo di sier Francesco Donado el cavalier ch'è stà acetà la so scusa.*

Sier Nicolò Bernardo savio dil Conseio, qu. sier Piero	59.133
Sier Bernardo Grimani, qu. sier Hironimo	35.159
Sier Sebastian Justinian el cavalier, fo consier, qu. sier Marin	65.127
Sier Zuan Badoer dotor el cavalier, po-destà a Padoa, qu. sier Renier	87.105
Sier Giacomo Corner fo cao dil Conseio di X, qu. sier Zorzi el cavalier et procuratur	93. 97
Sier Gabriel Moro el cavalier fo savio dil Conseio, qu. sier Antonio.	62.129
Sier Antonio Surian dotor st cavalier, è dil Conseio di X, qu. sier Michiel.	72.123
Sier Andrea Trivixan el cavalier, fo savio dil Conseio, qu. sier Tomà procurator	48.137
Sier Alvise Mozenigo el cavalier, fo savio dil Conseio, qu. sier Tomà	50.139
Sier Daniel Renier el savio dil Conseio, qu. sier Constantin, qu. sier Hironimo	18 174
Sier Piero Lando savio dil Conseio, qu. sier Zuane	50.142
† Sier Marco Foscari fo ambassador al Summo Pontefice, qu. sier Zuane	125. 67
Sier Tomà Mozenigo el consier, di sier Lunardo procurator, fo dil Serenissimo	81. 91
Sier Nicolò Tiepolo el dotor, fo cao dil Conseio di X, qu. sier Francesco	52.160

Et publicato rimase sier Marco Foscari. Fo chiamà a la Signoria el qual acetò, et lui più zovene farà l'oration.

Scrutinio di proveditor sora i banchi in luogo di sier Jacomo Pixani che compie.

Sier Zuan Batista Donado fo consier in Cipro, di sier Andrea, qu. sier Antonio	99. 87
--	--------

Sier Francesco Zen fo governador de l'intrade, qu. sier Alvixe	103. 89
Sier Andrea Dandolo fo di la Zonta, qu. sier Alvixe	123. 68
Sier Marco Barbo fo retor et provedador a Cataro, qu. sier Marco	119. 76
† Sier Zacaria Valaresso fo capitano a Zara, qu. sier Zuane	151. 44
Sier Nicolò Simitecolo fo di Pregadi, qu. sier Beneto	100. 95
Sier Antonio Venier fo proveditor a le biave, qu. sier Zuane.	75.102
non Sier Giacomo Michiel fo di Pregadi, qu. sier Biaxio, perchè si caza con sier Vicezo Michiel è sora i banchi.	

Da Milan et da Verona vene lettere. El sumario scriverò quì avanti.

Fo fato scurtinio de 5 Savi sora la mercantia dil corpo de questo Conseio, tolti numero.... tra li qual fo tolto sier Vicenzo di Prioli è proveditor al sal qu. sier Lorenzo, et ponè dubio tra li consieri si l' poteva esser balotato overo non, et sier Gasparo Malipiero consier diceva di non, per esser in officio, et che l' corpo di Pregadi se intende Pregadi, Zonta et XL et non altri. Sier Tomà Mozenigo consier sentiva se provasse et sopra questi contrasti si stete assai, l' hora era tarda et fo licentià el Pregadi. Questi fono dinominati: sier Jacomo Michiel qu. sier Hironimo, sier Ferigo Morexini qu. sier Hironimo, sier Francesco Barbaro qu. sier Daniel sier Hironimo Malipiero qu. sier Jacomo, sier Vicenzo di Prioli è proveditor al Sal qu. sier Lorenzo, sier Jacomo Moro qu. sier Antonio, sier Beneto Valier qu. sier Antonio, sier Bernardo Moro qu. sier Lunardo, sier Simon Lion qu. sier Tomà: tuti dal Prioli in fuora è di Pregadi, i quali fo fati notar da quelli di la banca.

Fu leto la parte tuti vadino col balotin a capelo o scritto o bianco soto pena presa nel Conseio di X.

Da Corfù, dil rezimento, et sier Zuan Moro proveditor zeneral, di 18 Septembrio, ricevute a dì 10 Octubrio. Da poi le ultime scrissero per sier Alexandro Contarini, veniva capitano de Candia, per le qual avisoe el capitano Doria con galle 39 se ritrovava in le acque de Modon dove l' è al presente, il qual havea in animo de tuor questa impresa et de li lochi vicini: scrivemo se provedi di danari per li fanti sono de